

鏡海樓詩稿一

浙江圖書館


浙江圖書館



浙江圖書館



浙江圖書館



浙江圖書館



浙江圖書館



浙江圖書館

原稿不  
清海晏楊風  
新芽  
四卷  
四冊



浙江圖書館

楊柳甫鏡海樓詩序

同治丁卯余主講杭州崇文書院下榻於西湖仰山樓憑闌四

眺雲窗

浮筆賦

月

言者

亦必不

著鏡海

...



# 浙 江 圖 書 館



鳳翔集 清海昌楊鳳翔著 四卷四冊

鳳翔字抑甫 貴州沅陽 詩法 海寧州志 稿 文苑 有傳 著鏡

海樓詞一卷 未刊 墨畫則 芝翁 十一年 邑人 坊保 壇已 刊於


蜀中 此其 稿在 前 有 薛時 兩 愛 應 吳 艾 生 手 書

序 茲 錄 保 唐 序 又 據 卅 夜 注 同 記 稿 帛 版 心 印 有 著

少山房四字 文淵閣 卷二 一〇五頁 七五 楊鳳翔記



# 浙江圖書館



浙江圖書館



楊抑甫鏡海樓詩序



同治丁卯余主講杭州崇文書院下榻於西湖仰山樓憑闌四  
 矚雲容水態蕩漾百變暇則約二三同志躡屐游山所至名勝  
 涉筆賦詩粲然自得因以悟文章之妙非徒流覽山川嘯咏風  
 月已也本其身世之遇以發其胸次所獨得之奇必有不客已於  
 言者而所遭之時與所歷之地夫人而異則悲愉舒鬱之致  
 亦必不能以強同而詩之真出焉以下士羊心梅孝廉出其內兄海昌楊子抑甫也其所以所  
 著鏡海樓詩鈔問序於余余讀之風格渾成音情激楚於  
 近體尤工其悲涼沈鬱大抵皆傷時憂亂之作蓋君於前數  
 年流離兵火間關風雪詩境之厄塞乃爾故其所作直欲近  
 揖梅邨遠跡少陵余既嘆楊子之詩之工而益信楊子之詩  
 之可出而不窮者將不可量也今夫西湖天下之奇也風泉林  
 壑之美宜若終古而不變然余自辛酉之秋自杭遷越別柳  
 湖隄黯然無色癸亥冬以軍事來杭甲子夏出館郡篆屢  
 道湖上耳目所及猿啼谷應風起葉飛皆足發其無端之慨  
 雲光若為之駢黹水聲若為之淒愴今來湖壖覺林花潭  
 月競妍四時又適足以怡情而養無他昔之時烽燧而今則  
 煙波也昔之地戰爭而今則歌舞也昔之遇金鼓鐵馬而今  
 則筍輿畫舫也夫西湖一天地無聲之詩曾幾何時而風  
 景之不同若此况學人之外積其閱歷內深其蘊抱本屬月  
 異而歲不同之事榮悴盛衰之間烏可以一理概之哉然則楊  
 子之遇與楊子之詩其將自出而益昌也為書以質之異日  
 之思也己至年蓋冬之月

必有微存也自也全椒薛時雨序



浙江圖書館

越中山川映發為浙東名勝之區自宋南渡以來高人勝  
士每樂為栖遁嘯咏水湄留題屋壁一舒其跼天踏地之  
慨劍南荆嗣而外代有閩人尚慕先哲曷勝神往庚辛之  
交寇氛自北而熾南三吳人士以及我武林諸縉紳皆遷避  
以為安宅余友 楊子抑甫亦傷寄嚴門之麓暇日則與名  
流耆歎選勝鑑湖探奇委宛倡酬成卷茲忘有海上烽  
煙之慘余居里門閭而差次之恨不同託寓林廡免流離歎  
歎冠焰稍熄雜老屋僅存已室之長物而知文零落莫可  
言懷客冬越中驟遭寇虐君寄奴子三衢亦浮海北歸出所  
作見示其詩蘊釀深厚頗似竹垞慷慨激烈酷肖梅村兼

之識見之超卓論議之精確一時以為敵宜在越諸支輩  
 欣賞不置者良非虛譽也憶余癸丑<sup>己酉</sup>之冬曾偕方外友六舟  
 素月二公作甬東之游歸寓雲門匝月時海氛告靖途不戒  
 嚴因探禹穴訪蘭亭弔南宋之攢宮尋以山之石宕謬撰  
 越遊小錄一卷聊紀其事惜未與君挂笠偕行則懷古興思  
 孰可商確亦文字錄中缺陷事也至君之長短各調深得  
 蕪洲笛譜白石權唱之餘音倚教家推許久矣余不工此  
 未敢復贅一辭也時

大清同治元年歲在壬戌秋孟正湘弟管應芝謹識於

萬拓堂 時年六  
十有六



自三百篇以迄乎漢魏以迄

國朝詩不知其幾千萬篇矣詩不一格論詩者亦  
言人之殊而獨於唐之少陵則相推無異辭豈  
非以其忠君愛國憂時傷事有以感人者深耶  
海昌楊君抑甫介生友羊少黼貳尹來謁且以  
詩質余自道光辛丑釋褐後抗塵走俗逾二十  
年筆墨之事久廢不講獨喜君所作其忠愛之  
意憂傷之旨頗占少陵為近隆時非天寶昔人  
所戒然今日粵逆之亂甚於安史矣仰賴  
至天子廟謨密運妙簡英賢即位未幾東南名

郡以次恢復海內於清可立而待和其聲以鳴  
國家之盛者會有人也楊君勉乎哉

同治二年歲在癸亥春三月平江引之氏吳生

設於三櫛官舍之宜齋



浙江圖

同治元年八月楊子抑甫將取道滬上浮海抵温州以  
省親於三衢<sup>州</sup>手其近作鏡海樓稿<sup>詩</sup>餘集二卷越江集  
一卷示余曰予將有遠行惜此區區者瘁數年心力於  
是不忍決棄欲攜以偕行是行也間關險阻不可以歲  
月計交之久者莫如子知之深者莫如子子其為我序  
之以慰異時風雨之思乎余惟出都以來流離兵火播  
遷者數矣時難年荒不復知有生人之樂交友闊絕筆  
研荒蕪追憶往時文酒從容爭雄於一字一句間者此  
境何可復得抑甫家附郭兵後所居蕩然脫身渡越棲  
泊於柯亭山下其尊人挈家依戚屬於衢江路阻絕音

問不通者常數月計其身世之顛沛境遇之厄塞一與  
 余同其不暇筆墨亦宜與余同而去年之夏道過於緒  
 山逆旅讀其詩數十篇今讀是編又益前數十篇其氣  
 愈壯才愈肆年舉凡時事之屯否將帥之昏愚近狀之悱  
 鬱無聊觸於目而怵於心者悉寓於詩豪蕩感激眉宇  
 間真氣全涌恍然置我於天寶貞元時已抑甫又言生  
 平所作不下千篇痛加芟汰得十之三四旅寓蕭然輒  
 出舊作本哦改之聲咿唔徹鄰壁間時人莫不笑其駭自  
 顧轉怡藉消其佗僚幽憂之况以為喪亂以來資生之  
 具既盡所持以自解者惟此耳余深歎其嗜之篤攻之

專遇無而志不少衰同時未有其比也嗟乎余年十九始  
識抑甫於州城相過從者逾年嗣後各以衣食奔走四  
方中間相去六七歲不一二遇遇不一二日歷經患  
難相見益稀今茲復有千里之行契闊之別聊序其近  
作以代送行之辭吾二人之悵惘可知矣抑甫行矣洪  
濤渺瀰靈怪騰踔攬永嘉之秀異探經雲之恢奇出入  
兵間家室團聚他日相晤當有什百於此者余更樂得  
而序之至戊仲秋錢保塘序於淳溪老屋

序

浙

浙江圖書館

鏡海樓詩稿

越江集

傷亂

苦霧連江郭，妖星入海疆。坐觀迷黑白，刦急慣蒼黃。殘

賊猶摩壘，元戎未整行。孤城殊岌岌，先事太疏防。

江干千萬戶，井竈昔連雲。忽以烽為戲，因之玉亦焚。乾

坤聞野哭，雷火接妖氛。轉眼成灰燼，將軍已奏勳。

悍卒饒如虎，披猖意氣豪。捉金工發篋，伏莽恣搜牢。行

路誠難險，無家敢遁逃。解衣人贖命，生死祇秋毫。

叱離甯我獨，竄伏逐人來。鋒鏑魂猶悸，家山首重回。此



海昌楊鳳翰抑甫



身如斷梗數口寄荒萊一幅流民繪人間信可哀

渡江

破浪乘風一晌看揚舲西去海天寬似聞貝闕魚龍擾  
終古雲濤日月寒島嶼依依明極浦帆檣歷歷轉晴瀾  
中流擊楫非吾事已分浮家管幼安

過湘湖

扁舟葉葉汎湖光練影平鋪繞曲塘便學滄浪歌亦得  
行吟我意已浮湘

一羣水鳥掠波飛鏡裏晴山鎖翠微輸與采菱舟上女  
水雲蕩漾不知歸

泊錢清江

錢清江畔路雲樹望中迷  
山色隨時變人煙向晚低  
數家成小市一水繞長隄  
無限飄零感鄉關正鼓鼙

柯亭

竹影翳寒麓沙光明遠汀  
賞音人不見落日上柯亭

柯南田舍訪徐勣叔寓居

柯亭山下樹蒼蒼刺擢尋君語  
故鄉同此亂離攜骨月  
各驚顏面老風霜逃名吳市梅  
仙尉避難陳留蔡議郎  
曾是昔賢棲隱地耦耕可共築茅堂

坵答詩

春盡江南樹色蒼  
萍蹤飄轉又他鄉  
兒曹久廢鄰肩  
坐客路新驚點鬢  
霜同是窮途悲阮籍  
可應斫地泣  
王郎耦耕大有平生願  
鑑湖曲終須置草堂

鑑湖

烏篷嫋嫋剡溪頭  
一曲澄波萬頃流  
自倚船窗看山色  
不知身在鏡中游

蠡城客感

一櫂春城倚夕陽  
鏡湖煙水極蒼茫  
山川洵美非吾土  
風物驚看忽異鄉  
玉帛祇今王會遠  
錦衣何處霸圖荒  
故園烽火傷心地  
聞說沿江早撤防

游柯山七星巖

官

柯山鬱靈氣層巖俯深谷洞府何森嚴穹窿若覆屋頗  
 疑五丁力於此刻山腹我來當春暮一徑入叢竹石髓  
 縣陰厓零珠斷復續煙霞靜吐納仙壁間宿昔賢有  
 題字廣廈恍在目石壁有前明吳環洲尚書題天然廣廈四大字中列七宿象  
 瑤樞嚴肅穆珊然棲羣真宛若藏秘籙山根極幽邃一  
 泓淨寒綠於焉驗晴雨奚止浣塵俗清涼別世界流連  
 豈云足何當此結廬避世成卜築揮手謝時事徜徉友

麋鹿

鑑湖觀水嬰

浙

畫船撾鼓如驚雷游龍天矯衝波開鏡湖三百一十里  
雲濤震盪聲喧匝金支翠羽明前導十番簫管回蘭櫂  
觀者如山拍手呼何人不似葉公好人影衣香鏡裏春  
五湖風月未成塵不知越女顏如玉誰是扁舟共載人  
我今飄泊山陰道家山何處傷懷抱便隨竿木戲逢場  
客裏溪山看亦好不為尋春張水嬰湖邊枉結網千絲  
已過祓禊蘭亭節可有迎神幼婦詞樂極哀來雙泪迸  
隔江鼙鼓遙相應天塹由來未可憑積薪厝火誰能信  
滿眼繁華錦繡堆中流擁楫倚歌回拚將浣女溪頭曲  
併入江南庾信哀

浙

勸叔自柯南田舍移寓古蘭渚吳環洲尚書故第

用樊榭移居韻賦詩依韻和之

雪泥蹤迹兩旬餘又向江湖賦卜居破屋杜陵終落翼  
借車東野足軒渠風霜君已嗟傳舍兵燹吾還感敝廬  
世外桃源何處是避秦須問武陵漁

諧謔何妨醉語顛得攜眷侶便疑仙留賢穩儼臯橋廡  
訪友同移剡曲船晚翠濃邊看畫去秋燈影裏對牀眠  
登樓更喜南山近不用多拋買宅錢

綠水當門宛轉斜眼前風景也堪誇故侯第宅餘喬木  
遷客心情怨落花人以新知欣埽徑我方遠道悔移家

相依且覓田間醉一例清狂任俗譁

拚將旅語紀前聞  
敝帚千金好策勳  
閉戶漫言天下事  
著書須得古人云  
溪山如此容招隱  
魚鳥相親儘結羣  
便與聯吟共晨夕  
鏡湖風月要平分

坵原作

回首家山刮燒餘  
天涯甯復計安居  
薪勞空戀桑榆  
宿萍轉還隨水一渠  
畧有琴書攜長物  
分無松菊愛吾廬  
露車漫效王尼歎  
把釣拚從鑑曲漁

莫論水涘與山顛  
得遠峰煙意已仙  
賃廡况鄰梅尉  
市載書重汎玉田  
船夕陽古寺尋碑  
讀芳草閒窗借

榻眠準擬聯吟同老鐵買春先辦畫叉錢

翠榜朱門映水斜依然廣廈杜陵誇詩情青列當窗  
岫畫本紅翻滿院花涼月修篁秋士宅蒼煙喬木世  
臣家營巢換壘尋常事梁燕呢喃一例譁

祭竈移牀證舊聞枯棋破硯與論勳未能免俗人從  
請且住為佳我亦云辛苦稻梁秋雁影往來雲水野  
漚羣南山雙隱遺蹤在好向前賢一席分

越江春盡旅舍無聊百感交并愴焉賦此

滿天離恨攪楊花何事輕舟盪若耶舉目河山非故國  
驚心骨月又天涯賓朋舊雨逢羈旅兵火餘生感歲華

不道春歸猶有路，可堪客子已無家。

讀武林錢秋岷文廷薰越中詩卷感賦四章題寄

久知大雅藉扶輪，比諷瑤編見性真。  
傷亂共傳劉越石，行吟便擬屈靈均。  
十年故舊尊前淚，一片湖山戰後塵。  
稍喜羈棲容嘯傲，鏡中煙水著閒身。

兵火驚心萬事非，明湖回首思依依。  
鄭樵居第圖書散，陶侃軍營將吏稀。  
誰與艱難搯半壁，早聞辛苦出重圍。  
白頭縱未拋簪組，已得全家傍釣磯。

越吟縹緲寄遙情，來往扁舟范蠡城。  
五噫梁鴻曾避地，一官梅福且逃名。  
勝游石簣探書遍，高會蘭亭載筆行。

祇恐江南哀庾信河山舉目淚縱橫

四望關河未息烽露車棲宿有萍蹤無家我已同張儉  
流寓人猶說蔡邕鐵笛橫吹江月動珊瑚斜拂浪花濃  
何當放櫂看山去得便論詩載酒從

武林王安伯丈

秦

招同鏡湖夜汎酒間為述往事

感慨係之漫賦長句奉贈

月光射水水氣浮瓊田萬頃涼煙收雲鬢十二飛不定  
鏡中著我沙棠舟狂客一去放翁死徒令懷古心悠悠  
輞川先生今達者邈然四顧吟清秋酒間慷慨語疇昔  
湖波激蕩風颼颼先生豪華甲吾郡別業多在西湖頭

鄭公三絕世所重  
搖毫擲簡神明道  
湘簾斐几翠欲滴  
百城坐擁輕王侯  
一朝戎馬起倉卒  
奮袂急難脩戈矛  
軍府下帖恣調遣  
開關不納吾誰尤  
惜哉吾謀適不用  
坐使滄海成橫流  
反身入越釣煙水  
千金散盡能無愁  
嗟我餘生脫兵火  
萍蓬蹤迹隨浮漚  
天涯舊雨得孺子  
寓齋為我琴尊留  
小詩長日有唱和  
南枝越鳥聲嘲啁  
先生清才婣羣雅  
相與論古窮研求  
晴窗拂素輒見贈  
千巖萬壑呈雙眸  
登臨有約言竟踐  
今夕恍惚圖中游  
鼓鼙聲遠風鶴靜  
胡為感舊多煩憂  
世間萬事等泡電  
況復一身如贅疣  
湖山到眼且放浪  
箕踞散髮凌滄洲

高歌未闋月漸小  
蕤鄉秋夢招涼鷗  
夜闌不須更秉燭  
萬象與我紛勸酬  
興酣拍手忽長嘯  
下視塵世同蜉蝣

七星巖避暑

得題

山陰朱笈石孝廉  
英詩冊傾倒

之餘輒賦二律奉投

東南壇坫壓名流  
藉甚聲華滿越州  
石笈圖書瑤笈秘  
鏡湖風月錦囊收  
藏山早定千秋業  
閱世誰登百尺樓  
祇恐新亭光景異  
黃塵碧澗使人愁

七星巖宇散涼煙  
及誦新詞句欲仙  
靈響遙傳湘水瑟  
曉寒多在衍波箋  
眼前便是華嚴界  
意外翻成翰墨緣  
客裏過從能不拒  
抱琴會擬訪成連

答妹夫羊辛楣茂才復禮餘暨見懷之作

得見翻成別相思各異鄉書來知鄭重讀罷感蒼涼歌  
哭風塵黯間關道路長吾生多涕泗中夜起徬徨  
早計行裝發胡為尚滯留阻兵成逆旅聞警入新秋  
險隨親杖星霜閱客舟不堪南望意落日大江流  
蹤迹秋蓬轉飄流媿此身因人拋骨月多難賴交親  
離亂書難準難危語倍真全家今累汝凝望一霑巾  
已作無家別仍多望遠情酒難良夜醉月豈故鄉明  
兒女燈前夢關山笛裏聲相期移小艇來與語淒清

安伯文繪鏡湖夜汎圖紀游輒題三絕

琴尊一席幾人同此景依稀尚畫中長憶壺天秋色淨  
滿身涼月夜推篷

浮家汎宅未應難笑著荷衣鏡裏看祇恐風波人海闊  
江湖何處穩漁竿

飄流蹤迹總堪憐持贈雲山到眼前巖壑果然能置我  
免教岸上更牽船

和安伯文立秋日用樊榭韻之作

客思入新秋涼風動四愁蕭條伯鸞廡飄泊季鷹舟遠  
道音書滯他鄉節序流芙蓉何處采枉自涉江游

新秋客舍離思憂懷遣之不得仍用前韻

天地倏驚秋茫茫宋玉愁離居同異域傷亂有孤舟消  
息心翻畏關河涕欲流何當生羽翼飛夢度龍游

安伯文復用韻見和多作達語相慰藉感其意再

用前韻答謝

健筆朗吟秋新詩善解愁江皋蘭作佩塵海芥為舟翠  
嶂屏風疊澄湖鏡面流剡川名勝地準擬續前游

七夕諸春江翁沅招游七星巖沈翁雨巖其霖出

家釀飲客流連竟日感觸賦此兼酬沈翁

涼雲不動環翠屏靈鵲欲飛凌青冥客中綺節苦岑寂  
招攜勝侶來巖扃懿茲洞霄絕塵事小天星斗涵中庭

明窗玉女闌窈窕秋空鬢髻迴鸞輶沈侯靜者賢地主  
留客杯盤斟桂醕一時裙屐盛朋簪齊向煙霞意軒舉  
座中祇我凝愁思憶昔鄉園文讌時露初星晚陳瑤席  
雅集爭傳乞巧詞自經喪亂成焦土聚散存亡不能數  
飄流我亦渡江來感念同游泪如雨何處山川足放歌  
可憐節序他鄉過得逢嘉會轉悽絕無限西風生薜蘿  
多君好客耽風雅勸我一杯杯重把厭看東海久揚塵  
且自尊前稱達者放櫂歸來酒半醺娟娟涼月吐銀雲  
不須更怨珠匏宿惆悵西山鸞鶴羣

羊辛楣訪予鑑湖客舍感賦一首

憂患餘生見面難一尊今夕語悲酸江湖道梗秋聞笛  
鴻雁書遲客倚闌夢裏家山仍戰鼓望中煙水足漁竿  
共君飄泊干戈際何日吟詩過釣壇

寓山過祁忠惠公故居

中丞池館感滄桑遺象還瞻四負堂自昔朋簪傳賦筆  
祇今林壑有輝光西山翠律風千載止水空明鑑一方  
賸付伽藍精舍闢白蓮花發定中香

辛楣有詩留別賦此答送

相逢容易又分襟況是傷秋泪不禁各有高堂悲兩地  
便成久客豈初心難難賸有江南賦憔悴徒為澤畔吟

羈旅西東愁此別碧天無際暮雲深

越江客舍送王安伯丈還武林兼訂中秋復來之

約

羈旅論心忽半年分攜愁絕一尊前秋聲別路思歸引  
寒雨連江獨夜船此去鄉關仍鼓角舊時賓客各風煙  
劇憐我是無家者聽唱離歌倍黯然

萍蹤何意此淹留乘興同移鑑曲舟佳話定知傳異日  
好山終待續前游便從畫裏尋陳迹可奈天涯動別愁  
有約重來應不負桂花如霰過中秋

小游仙詩二十首和許辛木先生 楮

眩人世界幾回看  
小讀金塵顧影寒  
誰識鴻都狂道士  
海山縹緲跨青鸞

裏糧采藥可曾還  
方丈瀛洲指顧間  
便共樓船徐市去  
天風吹引到神山

上清科斗秘奇文  
靈寶書騰五色雲  
拚棄丹鑪探藻笈  
徑將真訣敬茅君

雲端赤雀忽飛來  
火裏金蓮頃刻開  
却笑藥巴工喫酒  
彝陵何事賸秦灰

十二闌干護碧城  
埽花游更踏莎行  
如何豔說芙蓉主  
不見當年石曼卿

搏桑初日射波紅  
隱隱天雞唱曉風  
底事飛昇誇拔宅  
却令犬吠出雲中

一飯胡麻憶昔時  
更從海國覓瑤脂  
荆臺炊玉尋常事  
莫怪東方尚苦飢

靈霄珠斗綴衣裳  
獨立瑤臺露氣涼  
忽指妖星芒射處  
願排葆旅肅天槍

蓬池會散綵霞蒸  
金碧樓臺露幾層  
昨夜靈飛親授訣  
更煩五岳寫真形

仙家眷屬舊曾攜  
咫尺蓬山路忽迷  
寄語長房煩縮地  
不令悵望絳河西

控鶴三山久未回  
偶攜玉醴醉金臺  
尊前莫語華嚴劫  
一曲人間大可哀

樂府新聲月殿宣  
雲璈隊裏會諸仙  
一從罷奏鈞天後  
冷落霓裳又幾年

換眼韶光一剎那  
便騎白鹿陟嵯峨  
神仙底用留名字  
不道人傳踏踏歌

滄溟四望渺無涯  
坐看鯨魚蹴浪花  
為問仙凡曾否隔  
月中來往有浮槎

珠闕迢迢絳節持  
憑誰藤紙奏青詞  
真靈位業何從問  
看取華胥夢醒時

曾經緱嶺遇王喬依舊吹笙鶴髮飄却語周京非昔日  
山河一片氣蕭條

又見東瀛漾玉塵麻姑狡獪亦天真聞來自寫仙壇記  
不共陳王賦洛神

絳都太史下瑤天瓊島秋涼侶散仙聞道元靈新製曲  
一時寫遍行波箋

睡隱希夸華嶽居何因驚破夢蘧蘧厭看碧澗黃塵動  
未見先生笑墜驢

朗吟飛過鳳麟洲回首齊煙九點浮更上蓬萊峯頂望  
一聲鐵笛海天秋

秋興八首用杜韻

驚起棲鳥失舊林天涯矛戟尚森森  
全家惆恍浮遼海歧路飄流負漢陰  
畫裏白雲游子夢機中錦字故人心  
秋聲一夜他鄉滿腸斷關山下砧

聚米山川一角斜祇今何處界中華  
防邊舊築秦皇壘鑿空虛傳漢使槎  
落日樓臺明海市西風關塞冷胡笳  
仙人亦有興衰感銅狄摩挲眼未花

旌旆搖搖淡夕暉商彝吹動野煙微  
叢祠篝火狐能語霧市興妖鳥不飛  
滿地干戈人事改十年書劍壯心違  
黑山盜賊今如許見說秋高牧馬肥

全局須爭一著棋區分幅裂總堪悲  
即看甲仗臨江日無復戈船下瀨時  
南國紙鳶空告警北軍風鶴早驚  
馳麗譙籌筆今猶昔李郭勳名異代思

劫火依稀夢故山驚魂長自墮  
兵間粉榆盡失雞豚社壁壘猶屯虎豹關  
一例蟲沙銷白骨幾人冰雪鍊朱顏  
巖城又報傳烽急夜半蕭蕭馬已班

蘋花蕭瑟剡溪頭秦望山高畫角秋  
揭斗揚箕看告竭積薪厝火未言愁  
可憐舉目皆巢燕那得忘機逐海鷗  
為報江南王太傅好將泪眼覽神州

開疆拓宇緬神功太液蓬池想望中  
八駿未迴蔥嶺雪

六龍仍御玉河風  
新歌瓠子波流白  
舊事咸陽炬影紅  
却憶漢家巡幸地  
授書盛典紀仙翁  
江樓極望路逶迤  
何術驅龍到葛陂  
鴻雁哀還蜚曠野  
鷓鴣棲未穩高枝  
洗兵幾見銀河挽  
退舍俄驚赤彗移  
仗劍看霄長不寐  
酒闌涕泗忽交垂

朱笈石丈過訪寓齋賦詩見贈即次原韻奉答

多難長為客傷離  
易感秋高賢能左  
顧良語散窮愁畫  
意雲常在詩心露  
欲流不嫌來往數  
閒權剡溪舟

蔣寅昉評事光燾招飲鑑湖客舍以疾不赴賦此

答謝

天涯何幸聚良宵三徑俄傳折簡招旅病偏當秋雨集  
鄉愁難借酒杯澆未能笠屐衝泥去已負琴尊對月邀  
料得故園朋舊在殊方且遣燭重燒

中秋夜雨

年年看慣中秋月此夕重雲掩素光無復人間傳水調  
驚聞天上冷霓裳歌回黃竹邊聲勁淚灑蒼梧夜雨長  
還抱烏號空際望珠宮貝闕儘悲涼

旅夜寄懷王安伯丈

商焱厲庭樹秋氣歛已深舉目變物候搖落傷客心客  
心不可達離懷渺難任皎皎雲中鶴戢影歸故林獨遺

道旁枝中夜鳴寒禽感此眷舊侶愴焉寄越吟

月色浩如雪流輝耀庭隅同此明明光亦復今昔殊憶  
共素心語露坐臨前除滅燭延素影微涼蕩衣裾興至  
駕輕楫覽眺凌清虛長謠答漚鷺閒蹤偕樵漁光景失  
難再俛仰徒歎歎

晨興理夙約別語猶拳拳零落小山桂胡為期屢愆秋  
水日以駛流光成俄延輕霜動森館遙林相新鮮甯能  
策杖至一醉黃花前澄江萃魚雁幸惠瑤華篇

嗟予久留滯庾蟀忽焉更八口寄異地江湖仍苦兵川  
涂繞夢寐道梗不得行比復斷消息望遠難為情安得

生羽翼飛度太末城願言示周行慰此離鴻鳴  
會城盛輿馬蓬勃飛黃埃杜門但高卧倦眼何由開矧  
茲世局換人事紛相催所期堅晚節毋為他人材持此  
報知己瞻望重徘徊

送蕭穗甫茂才

其穎

之滬上省其尊人

天涯易感清秋節忍聽驪駒歌欲闕搖落深知行路難  
亂離況是他鄉別共君脫險魂猶驚竄身荆棘茫無營  
一朝盡室涉江涘急權扁舟范蠡城相逢握手澄湖上  
驚喜容顏尚無恙且遣流連學會吟未妨作達酣沈釀  
酒邊却憶故園時各各騷壇樹鼓旗譚詩夜集鍾鐻宅

我醉狂吟君和之萬事回頭泪沾臆滄桑一例秦灰黑  
故人慷慨早捐軀俛仰悲哀豈終極竭來同向山陰游  
眼前請共消煩憂鸞飄鳳泊那足道桃梗土偶隨波流  
行藏不用靈氛卜流離肯作窮途哭朝來別我忽東行  
直挂雲帆到滬瀆陸機葦外秋風生春申浦邊秋潮平  
千山紅樹望中盡行李蕭條書劍輕君家父子才無偶  
草檄聲名滿人口君到晨昏幕府趨采蘭定藉飛書手  
移家我正憶三衢極目關山途路紆江上阻兵成久客  
望雲獨立空踟躕賀監湖頭送君去傷別傷秋不能語  
已媿高堂省覲頻况兼舊侶分攜遽即今何處穩生涯

一角江城隱暮笳此去登樓休感賦飄零四海總無家  
送朱穀甫郎中莊椿之甬東時將挈眷北上

大江日夜流客愁滙萬派僕夫戒郊坰之子遠行邁厄  
運構陽九奇覲輒意外半載數周旋旅語時一快傷亂  
劉琨詩感事梁鴻噫緬惟世業存清芬誦未艾偉哉太  
常公大節堂堂最時事不可為生曹乃死蔡感極涕一  
零衰忠昭百代子也枕戈眠誓讎意慷慨瀕洞煙塵昏  
有志惜未逮麻衣走天涯全家亟遠害比來剡溪濱舊  
雨獲良會一朝賦北征攬裾慘相對言當浙甬東秋風  
一帆挂海色蕩澄鮮江城儼圖繪曼衍恣魚龍陸離發

光怪此鄉疇能居暫止夫何礙君子懷遠圖努力慎自  
愛骨月今依然送子益予慨

秋日游鷺峯訪古鷺臺教寺歸途有作

尋山不辭瘁攬勝無終窮瞻途越修畛禾黍秋芄芻霽  
景麗華薄遙林絢青紅投閒羨倦鳥躡迹希冥鴻微行  
扇芳靄枉渚回松風溪流光泐泐石梁亘當中到此衆  
慮息觀彼澄潭空言瞻重臺院山椒雲朦朧蔚然見深  
綠萬竹圍花宮

花宮隱翠巘躋陟循蒼苔入門颯秋氣木葉寒焱催鐘  
磬絕清響院宇淨纖埃檐前曼陀羅花雨霏香臺昔聞

支道林此鳥經卷開右軍頗好事訪道時一來留題鷲  
峯字墨彩耀巖隈真本今已失懷古空徘徊

徘徊殊未已流目肆遐觀清輝湛水石香風汎崇蘭北  
渚芳杜碧西嶺秋霞丹心賞愜幽冥搜窮高寒巖棲  
結夙願把茅亮歎難世路矧嶮巖顧景寡所懽眷茲清  
曠地躊躇下雲巒言尋別徑歸山石行回盤回望夕陽  
下紫翠羣峯攢

九日登越王崢同勸叔作

崢嶸絕巘迥丹梯有約登臨勝侶攜路繞澄江千里盡  
天圍落日萬峯低曾聞磴道屯兵甲依舊山川急鼓鼙

佳節思親情不極可堪南望水雲迷

坳同作

秋巖形勢鬱崔嵬此日登臨眼界開萬竹綠圍孤嶂  
靜斷雲青卷亂峯來見愁羈旅逢佳節坐對山川憶  
霸才漫向西風怨搖落狂吟且覆菊花杯

蘿蒼

放檝蕩晴湖探幽陟秋麓細徑緣巖腰路轉松陰簇白  
石鳴丁丁斧聲振林木到門山色青歷歷具在目波濤  
迅奔赴岡巒互起伏擘勝恣登眺安禪緬卜築坐我青  
豆房道書良可讀無風墮黃葉微霜絢殘菊叢篁蔽鄰

牆修蘿施空谷清磬時一聲歸鳥飛相逐暝色沈煙林  
夕陽明寒綠循途屢回顧流連若未足何當乘月來一  
借僧樓宿

旅夜坐雨

羈旅逢秋感易生況添夜雨颯淒清擣砧庭院遲蛩語  
落木關山有雁聲無那愁邊燈火暗不堪江上陣雲橫  
天涯凝望應腸斷坐對殘宵泪欲傾

酬吳少雲上舍淞見贈

握手懽如舊天涯得幾人壯心亂中盡交誼客途真一  
笛柯亭路扁舟剡水濱羈懷差足寫酬唱未嫌頻

贈我新詞句孤高調自如餘生倚知己片語慰離居閱  
世惟耽隱投閒好著書西園盛文讌長為擊襟祛

吳上舍 淞沅 昆季 招予暨勸叔同朱篔石 英沈曉

湖寶森 兩孝廉 茅仙槎 茂才 寶川 游九峯僧舍

聽麗十四丈 典彈琴感賦

尋秋渺何處勝侶紛招攜興來蠟屐不辭遠山行恍惚  
迷東西紆迴石徑修蛇細一路聽泉入雲際紅樹青林  
相間明屏風九疊秋空麗精藍何岩堯上方鐘磬遙入  
門溼寒翠萬竹森巖腰僧房茗坐百慮息但覺松風吹  
蕭騷琴聲泠泠出空壁中有畸人此遁迹特啟幽局締

古懽重簾香繞纖塵隔一囊冷玉音沈沈欲彈不彈思  
何深座中別有桐焦感孤負成連海上心沈吟不覺愁  
懷滿可憐蹤迹隨蓬轉望裏雲山空復情天邊雁字來  
還斷為我揮絃一再彈漢宮秋思不勝寒仙家漫譜離  
鸞引獨客方悲行路難

遇亂

天地鬱陰霾川涂叢荆棘吾生邁多難出險乃復入憶  
自暮春初悽悽去鄉國全家赴三衢予又折而北訪舊  
來山陰扁舟行在卽旅病苦淹滯比差已六日關山忽  
金鼓萬事難意必裹足行不前相望若異域俚指一月

遲驚喜得消息八口雖無恙江湖阻兵革故人徐景山  
先我江南客急難當弟兄相依共眠食越中頗晏然嬰  
游仍日夕不知寇已深連江馳羽檄慨念諸將帥决裂  
遍疆場浩歌輒痛哭悲憤填胸臆巢幙誠知危瞻顧無  
長策羈樓半載餘杞憂隨日積陔傳蕭然山森森列矛  
戟或云潰兵來恣意為盜賊此言復誰欺眼前俄鋒鏑  
先機豈不明臨變毋乃亟人聲哭如沸湖水相搏擊急  
權鑑湖南日暗天無色篙師露兩肘瞋怒橫相逼屢喚  
不一應其意安可測去去項王里暫止計亦得滅燭不  
敢聲蓬窗坐昏黑回頭駭飛烽咫尺不相隔復聞戈船

下捷若生羽翼前既去路窮後快追騎及通宵心膽碎  
朝來更危急舟居誰云安林深或可匿言瞻南山椒茅  
屋一椽葺變計疾奔赴樓身學蟲蟄旬日始出行人事  
驟變易流涕不忍言祲氛竟四塞何時脫重圍望望倍  
於邑

蠡城感事

西來突騎滿稽山烽燧宵騰月色殷失地真疑魂夢裏  
置兵原在有無間紅羊小劫成飄忽青犢千羣自往還  
太息霸圖傳越紐祇今容易棄嚴關

江左夸吾養望隆早時節鉞假安東一堂水火紛爭日



半壁河山坐嘯中經畧何方蛙踞井張皇無措鳥驚弓  
董逃歌裏心摧滿誰遣郊原烈炬紅

久傳聲譽滿苕溪五馬新來領會稽豈意齟齬當道忌  
無端黑白局中迷書騰謗篋嗟黔首禍起戈船悔噬臍  
千古奇冤誰與雪漫言人海涸鯨鯢

江上秋風動旆旌喧喧車騎漢家營三軍坐甲耽兒戲  
一夜吹笳入死聲幾見投戈能却敵可應鑄錯悔談兵  
中原將帥今誰在莫是降幡出石城

別部藩籬氣象新何因標識效黃巾但餘擁衆劉元進  
豈有臨江溫太真事去總隨猿鶴化亂來惟見虎狼瞋

三千組練成何濟浪說偏師背水陳

偽命爭先效執鞭可憐狗尾續貂蟬別分夢蟻柯南地  
小聚醯雞壘裏天換眼衣冠非昔日傷心陵谷是何年  
麻鞵痛哭無人識獨向空山拜杜鵑

筐箱徵索敢云苛山海真看一網羅競解輸將非卜式  
欲收圖籍豈蕭何飛符絡繹中宵下立幟連翩比戶多  
暮繞朝虞紛眼底酒闌何限涕滂沱

莫問清流與濁流一場烽火使人愁歲時忽漫更王臘  
世事相看泣楚囚故國空餘嘗膽地大江無復射潮秋  
土崩瓦解須臾事忍見高臺起鬪驪

鐵山圍繞夜冥冥鼓角風來草木腥  
入坎幾人持漢節乞師何處哭秦庭  
旌旗望切蒼龍指斧鉞期先白馬刑  
早晚飛軍收賊壘依然長劍倚天青

已分殘生泣路歧天涯又復痛流離  
浪傳江總還家日仍是虞翻去國時  
汨盡窮途難自計心甘蹈海更何疑  
關河極望音書斷落日孤雲一繫思

吳梅史上舍 沅避亂甬東口占贈行

幾日高齋語夜分秋風忽漫愴離羣  
轉憐我是飄零客又向天涯一送君

難兄持贈句先成鄭重分攜手足情  
但使故園無恙在

一帆及早計歸程

官

戎馬關山倍黯然扁舟明發甬江邊祇今何處桃源是

問訊還勞到朝川

託寄慈湖王魚山茂才書煩君代致故云

寄答朱篋石丈

鐵馬金戈夢屢驚一緘鄭重寄遙情亂離稍喜青箱在  
憂患俄看白髮生高行西京周伯況悲歌南國庾蘭成  
相思咫尺風煙隔尊酒何時得再傾

感懷一首和吳少雲

越絕山河莽戰塵可堪天地變荆榛仍瞻北極知何日  
不改南音定幾人秦望樓船空蕩漾若耶溪劍總沈淪

尊前為誦遺山句，滄海橫流要此身。

聞武林復陷，吾邑旋亦不守。

身陷重圍，黯自傷。又驚烽燧滿錢唐。唐熊羆空望，三年戍鼠雀難支。一月糧。此日湖山，仍劫火舊時城郭。總滄桑。星弧日矢，無消息。回首中原泣數行。

故山雲樹夢魂飛，往事傷心。淚滿衣焦土難將，餘燼合空城。早識鬪兵稀。青燐燐燐，千家盡白。日荒荒萬騎圍。鞞鼓江天，何限恨鄉關從此莫言歸。

哭挽  
王安伯丈

一別成千載，傳聞信果真。衣冠摧末造，戎馬喪斯人。懷

慨重園地難難百鍊身精靈知不泯來往越江濱  
半載同為客論交氣誼敦一朝返鄉國方謂老田園白  
首傷龔勝青山痛霍原忍看舊時札清泪益瀾翻

大雪偕勸叔過訪留園主人酒間感賦長句

朔風獵獵鳴菰蒲同雲萬里天模糊雪花紛捲大如席  
滿湖但見瑤瑤鋪此時閉門盡僵卧誰肯念舊相招呼  
翩然逕放剡溪櫂同行有約興不孤主人一笑埽徑出  
相與握手圍寒鑪園林清景洵幽曠老梅著花枝條麕  
登樓滉漾試展眺千山已失人煙無茫茫一白渺無際  
有如大海浮乘桴主人好客事杯酌高歌擊筑歸吾徒

酒酣俛仰輒慷慨  
蜉蝣世界真須臾  
天荒地老塞荆棘  
人間何處藏微軀  
黃竹聲中凍欲死  
奚止一幅流民圖  
蔡州鵝鴨復何有  
誰與夜半挽天弧  
主人勸客客須釀  
不知許事徒嗟吁  
山林祇今猶漢土  
但當作達存真吾  
眼前有酒且痛飲  
濁賢清聖騰百觚  
頽然一醉游八極  
翻身跳入壺公壺  
下視塵世祇玉戲  
莫問鶴語堯年殊

除夕感懷

風雪千山路  
天涯歲又除  
寒燈明獨夜  
孤館掩殘書  
久客干戈際  
浮生患難餘  
一年亂中盡  
況乃是離居

八口寄殊域  
迢迢太末城  
祇緣兵甲阻  
不道歲時更思

婦朱顏改高堂白髮生定知相憶苦遙夜若為情  
地等秦坑險人嗤漢臘非蜉蝣看世變蟻蝨感身微遠  
道叢荆棘空山少薔薇傷時詩獨詠何計脫重圍  
知己徐君舊相依意頗安聯牀常比景酌酒強為懽囊  
粟侏儒飽緜袍范叔寒羨渠遷播久此夕尚團圓

同治建元元旦雪霽喜賦

紀元運喜開今日獻歲人猶客異鄉五夜繁星環北極  
千山積雪射朝陽中興已兆唐靈武正朔仍通漢樂浪  
早晚六師申撻伐不令淮蔡肆封狼

立春前一日過四宜草堂和少雲作

園林晴望影參差蠟屐衝寒未厭遲隔歲光陰殘雪在  
 先春消息早梅知風煙漫繞關山夢圖卷從添主客詩  
 更喜江東歸二陸謂小晚壽臣蓮史壽南昆季新自甬東歸一尊有約待同  
 持

人日書感

風光不是去年時晴雪梅花尚滿枝腸斷故人經亂盡  
 更無從寄草堂詩

花前雁後路繚繚涉七登高一黯然滿眼風煙消息斷  
 天涯離思又今年

十二日同勸叔作

人間此何世蠻觸日紛爭  
社鬼謀還聚先人臘盡更衣  
冠非漢代歲序豈周正誰識  
風塵際悲歌魯兩生

貧石丈探梅西山歸路見訪以一枝分贈賦謝

晴曦靄高館殘雪見修廊  
春風時一來滿室皆芬芳  
先生性高曠冷趣乃獨嘗  
支筇陟寒麓輟權循回塘  
瑤枝感折贈嘉惠何能忘  
銅瓶斟勺水瑤席凝暗香  
於此讀南華冰雪充飢腸

離居苦岑寂顧影空自憐  
願結素心侶眷茲姑射仙  
出塵殊皎皎臨風何娟娟  
獨抱歲寒質永謝春華妍  
無言得幽契詩思沈江煙  
清游惜未共夢繞溪橋邊  
偕行倘

我許後約期毋愆

聞道

聞道嚴師發上蘭羽林七萃集材官敢辭零雨三年瘁  
不斷風雷六枝團元老謀深新仗鉞將軍年少繼登壇  
征南早為抒籌策下瀨戈船指顧看

風馳約法自三章銅馬新來埵漢王往日江湖成部勒  
祇今險要藉關防鉏耰有地安陳涉隄壁無塵撤趙網  
豪傑并州知不少好乘時會起戎行

義旅臯牢早著名一軍縞素隱疑城空中甲馬公超霧  
天半靈旂子亮兵漫以折枝能擊劍底須撒豆更添營

指麾便足羣魔掃鸞鶴三霄自在行  
恍從赤地望雲霓玉斧何時指會稽海角猶然橫魑魅  
天心肯緩戮鯨鯢郎非知世冥氛積黨豈長生短夢迷  
會見羅平妖鳥盡凱歌唱並白銅鞮

送沈曉湖入都即次其留別韻

亂裏相逢已半年天涯可奈敞離筵一尊情語仍吳下  
三月鶯花又日邊鄉國漫悲王粲賦風雲好著祖生鞭  
祇憐客路頻傷別聽說江關益惘然  
閱歷征途百感生好將舊夢語春明重來已似摩銅狄  
此去真同上玉京郭隗臺邊殘照在望諸墓下野煙平

作詩倘念閒漚鷺早寄南鴻慰客情

二月二日書憤

世豈容梟獍兇偏逞虎狼狺羣極吠洶洶勢披猖  
魁紛成隊詩書竟受殃何人誅亂賊雄劍淬鋒芒

留園雨中看海棠

越江連日風雨惡辛夸花開忽復落一年春盡亂離中  
況乃狂姦妒花弱獨有海棠開較遲金碧闌干映紅萼  
主人愛惜日護持置酒呼朋坐高閣憶昔移從濯錦江  
春陰如墨罨文窗繁枝高下穿紅影鳳子飛來日幾雙  
華清睡起嬌無那金屋雲深寒尚鎖尋芳不數麗人行

覓句還耽花下坐  
往年花時光景新  
今年花開愁煞人  
花天忽地聞金鼓  
雨泣煙曠不是春  
一櫂倉黃驚出走  
莫問園桃并巷柳  
回首穠華空斷腸  
定應攀折他人手  
上巳已過清明來  
可憐佳節成塵埃  
斜陽燕子知多恨  
何處園亭不草萊  
誰知花事仍無恙  
綠肥紅瘦皆愁狀  
含情凝睇待人歸  
流涕無言默相向  
儘拚急雨灑淋浪  
枉對東風意悽愴  
燒燭更番照泪粧  
捲簾一例移塵障  
暈上胭脂春夢撩  
鏡中窺影不能描  
填詞有客工題柱  
耽隱何人共結巢  
祇我看花轉愁絕  
萬種幽懷向誰說  
好花明日更應紅  
曠遍杜鵑枝上血

春暮重游鷺峯古重臺院

誰知地棘天荆日猶得題詩到上方  
人世幾回成小劫  
空山依舊滿斜陽  
催成朝暮殘鐘墮  
閱盡興亡古樹蒼

寺中山茶一樹  
云是晉代所植

俛仰不勝今昔感  
幾人曾語贊公房

贈武林鍾蓮裳明經學聚

我來山陰今一年  
湖山莽蒼愁風煙  
眼中人事盡變易  
坐令花月空嬋娟  
留園風景殊不惡  
春去堂堂又花落  
飛觴良夜盡明簪  
意外逢君恣懽謔  
多君意氣無等倫  
誰遣懷抱不得伸  
即看落筆驚風雨  
但覺詩成泣鬼神  
一曲哀歌月東出  
繞樹飛鳥暗啾啾  
幸從虎口脫餘生

縱使有家歸不得，祇今蹤迹隨秋蓬。流離得不悲途窮，  
共君飄泊干戈際。那免歧路成西東。臨觴不御多傷感，  
燭影幢幢漏紈紈。主人慷慨善留賓，其奈尊前意悽慘。  
離懷憂思何紛紛。南瞻太末飛孤雲。劇憐亂裏相逢晚，  
纔得題襟袂又分。

越江對月

冰輪碾破海雲黃。獨自憑闌意渺茫。天上瑤樓何處是，  
山河多半影蒼涼。  
破鏡刀鏤盼望深碧天。無際信沈沈。笛聲吹出關山怨，  
一曲闌干萬里心。

碧梧庭院嫩涼生  
記共王喬踏月行  
一自瑤天笙鶴遠  
玉蟾不似舊時明

南飛烏鵲繞江干  
風露淒淒顧影寒  
愁絕鄜州吟杜老  
何時雙照泪痕乾

重遇鄜春庵十四丈賦贈

老裝無恙鬢飄蕭  
語舊真如夢影遙  
荔帶秋吟山鬼睇  
瑤琴涼汎水仙招  
驚心塵海滄波沸  
回首禪關劫火消

習靜

今春

煨於冠 莫道閒雲隨意住  
干戈何處穩團瓢

客越年餘未得一探禹穴蘭亭之勝  
缺然於懷今當言去  
悵焉賦此

於越足名區山川特秀麗龍門昔南游探書發石簣內  
史讌蘊渚羣彥盛修禊文章天下傳風流千載繼抗懷  
希昔賢涉想結幽契頻年邁喪亂蹤迹越州寄名山落  
眼前游履理頗易奈何坐因循有如失交臂風塵忽眯  
目豺虎肆吞噬竄身荆棘叢何處理憂地勝覽悔不早  
雲霧歛相蔽徒聞山水佳往來祇夢寐夙緣詎甚慳裏  
糧願未遂念當渡江去重來渺難計山靈倘我期江水  
或可誓臨發重趺躅遙峯疊晴翠

暫歸故鄉將由間道省親三衢留別留園諸子

落拓江湖已一年離懷枵觸忽尊前去留無計都相左

蹤迹隨人益自憐  
來日大難仍逆旅  
此生如寄況風煙  
不堪傷亂兼傷別  
腸斷溪山叫杜鵑

相逢稍喜旅懷開  
裙屐西園雅集陪  
便是窮途拚作達  
不緣同調肯憐才  
酒痕襟上連宵染  
詩句花前幾度催  
如此朋游成契闊  
夢魂長繞越江隈

故山望望泪沾衣  
何處桃源可息機  
滄海桑田成昨夢  
人民城郭感今非  
轉因多難貪為客  
已是無家枉說歸  
此去依然豺虎窟  
便應早采首陽薇

庭闈忍便異鄉拋  
太末巖城入望遙  
音信浮沈猶昨歲  
兵戈流轉又今朝  
急裝好佩防身劍  
閒道行吹乞食簫

祇是故交忘不得臨歧那不黯魂消

曉過鏡湖

澄湖淡月鳴漁榔魚衣撥盡波聲涼眼前光景殊可惜  
令人清夢沈菰蔣吟詩久向越江住戀戀此鄉不能去  
一竿剝欲老煙波世外桃源渺何處鏡奩積翠搖空明  
雲山無限傷我情舊游回首泪盈把嗚咽風前長笛聲  
追悼王我今又轉飛蓬迹惟有澄波送行客見愁碧澗  
安伯文滿黃塵那得江湖就魚麥去住無端豈自由何當散髮  
弄扁舟閒漚莫問浮生事湖水東西南北流



浙江圖書館



浙江圖書館



浙江圖書館



浙江圖書館

浙江圖書館善本

書號：015307

一九二九年一月



浙江圖書館



# 浙江圖書館

浙江圖書館善本


乙登記號：015397

一九 年 月 日



浙江圖書館

浙江圖書館



TIFFEN Color Control Patches

© The Tiffen Company, 2007

Blue Cyan Green Yellow Red Magenta White 3/Color Black

Centimetres



1 2 3 4 5 6 7 8 9 10 11 12 13 14 15 16 17 18 19  
1 2 3 4 5 6 7 8 9 10 11 12 13 14 15 16 17 18 19

Inches

鏡  
海  
樓  
詩  
稿  
一

浙江圖書館





**TIFFEN** Color Control Patches © The Tiffen Company, 2007

Blue	Cyan	Green	Yellow	Red	Magenta	White	3/Color	Black
------	------	-------	--------	-----	---------	-------	---------	-------